



Broj: 152/25

Datum: 04.02.2025. godine

Na osnovu člana 64. stav (1) tačka b), člana 70. stav (1), (2), (3) i (6) Zakona o javnim nabavkama Bosne i Hercegovine („Službeni Glasnik BiH“ br. 39/14, 59/22 i 50/24), Statuta JP „LOKOM“ d.o.o. Sarajevo (Službene novine KS br. 15/13, 47/14, 29/18, 3/22, 20/23 i 28/24), Pravilnika o javnim nabavkama roba, usluga i radova br. 2448/22 od 30.12.2022. godine i br. 481/23 od 17.03.2023. godine, preporuke Komisije za provođenje postupka javne nabavke utvrđene u Zapisniku o pregledu i ocjeni ponuda broj: 151/25 od 03.02.2025. godine, direktor JP „LOKOM“ d.o.o. Sarajevo, **d o n o s i**

O D L U K U **O IZBORU NAJPOVOLJNIJEG PONUDAČA**

Član 1.

Prihvata se preporuka Komisije za provođenje postupka javne nabavke i okvirni sporazum za nabavku municije - metaka kalibra 9x19 mm, na period od jedne godine, dodjeljuje se ponuđaču: KM TRADE d.o.o. sa sjedištem u Visokom ul. Čaršijska b, 71300 Visoko sa cijenom ponude u iznosu od 79.800,00 KM bez PDV-a, odnosno 93.366,00 KM sa PDV-om.

Član 2.

Obavezuje se ponuđač iz člana 1. ove Odluke da u roku od 5 (pet) dana od dana prijema Odluke o izboru najpovoljnijeg ponuđača, dostavi dokumentaciju traženu tačkom 3.1.3. tenderske dokumentacije koja se odnosi na član 45. stav (2) Zakona o javnim nabavkama.

Član 3.

Ova Odluka će se uputiti svim ponuđačima koji su učestvovali u postupku javne nabavke i objavit će se na internet stranici ugovornog organa u skladu sa članom 70. stav (6) i članom 71. Zakona o javnim nabavkama BiH.

Član 4.

Protiv ove Odluke dozvoljena je žalba u roku od 10 (deset) dana od dana prijema iste.

O b r a z l o ž e n j e

Postupak za javnu nabavku municije - metaka kalibra 9x19 mm, putem otvorenog postupka, pokrenut je Odlukom o pokretanju postupka javne nabavke br. 2553/24 od 17.12.2024. godine.

Predmetni postupak javne nabavke nije podijeljen na lotove jer se radi o cjelovitoj nabavci, odnosno nabavci metaka jednog kalibra 9x19 mm. Ukupna procijenjena vrijednost javne nabavke iznosi 79.800,00 KM bez PDV-a. Za ovaj postupak javne nabavke predviđeno je zaključenje okvirnog sporazuma na period od 1 (jedne) godine. Kriterij za dodjelu ugovora je najniža cijena. Za navedeni postupak javne nabavke predviđena je primjena e-Aukcije, u skladu sa odredbama Pravilnika o uslovima i načinu korištenja e-Aukcije („Službeni glasnik BiH“, br. 80/23).

Komisija za provođenje postupka javne nabavke imenovana je Rješenjem broj: 2554/24 od 17.12.2024. godine.

Obavještenje o nabavci i tenderska dokumentacija su objavljeni na Portalu javnih nabavki dana 23.12.2024. godine u 15:56 sati pod brojem: 269-1-1-165-3-91/24, a sažetak Obavještenja o nabavci objavljen je u „Službenom glasniku BiH – Oglasnik javne nabavke“ br. 90/24 dana: 26.12.2024. godina, u skladu sa odredbama člana 11. stav 8. u vezi sa članom 6. stav 3. i stav 4. Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na Portalu javnih nabavki ("Službeni glasnik BiH" br. 80/22). Iz Izvještaja o pitanjima i odgovorima u vezi sa tenderskom dokumentacijom, preuzetog sa Portala javnih nabavki, vidljivo je da, u periodu koji je ostavljen za dostavljanje ponuda, nije bilo postavljenih pitanja vezano za pojašnjenje tenderske



dokumentacije. Prema Izvještaju o preuzimanju tenderske dokumentacije od strane ponuđača tendersku dokumentaciju, sa Portala javnih nabavki, je preuzelo 8 (osam) potencijalnih ponuđača, zaključno sa krajnjim datumom za preuzimanje tenderske dokumentacije.

U određenom krajnjem roku za dostavu ponuda (14.01.2025. godine do 10:00h) blagovremeno su dostavljene 2 (dvije) ponude, i to ponuda ponuđača: 1. PATRIO d.o.o. Sarajevo sa sjedištem u Sarajevu na adresi Hifzi Bjelevca br. 82, 71210 Ilidža, BiH, koja je zaprimljena kod ugovornog organa pod brojem protokola 04/25 dana 13.01.2025. godine u 14:21 sati. 2. KM TRADE d.o.o. sa sjedištem u Visokom na adresi Čaršijska bb, 71300 Visoko, BiH, koja je zaprimljena kod ugovornog organa pod brojem protokola 05/25 dana 13.01.2025. godine u 14:50 sati.

Komisija za provođenje postupka javne nabavke je istog dana 14.01.2025. godine, u sjedištu ugovornog organa JP „LOKOM“ d.o.o. Sarajevo, Halilovići br. 45, 71000 Sarajevo, sa početkom u 10:30 časova pristupila javnom otvaranju pristigle ponude i sačinila Zapisnik o otvaranju ponuda koji je uz Zapisnik o zaprimanju ponuda, u zakonskom roku, prosljeđen ponuđačima koji su učestvovali u predmetnom postupku javne nabavke. Na javnom otvaranju ponuda nije bilo prisutnih predstavnika ponuđača.

Zapisnikom o otvaranju ponuda konstatovano je da su ponude uredno zatvorene, te da su ponudene cijene, kako slijedi: 1. PATRIO d.o.o. Sarajevo u iznosu od 79.800,00 KM bez PDV-a; 2. KM TRADE d.o.o. u iznosu od 79.800,00 KM bez PDV-a.

Nakon javnog otvaranja ponuda Komisija za javne nabavke je pristupila pregledu i ocjeni ponuda, te o tome sačinila Zapisnik o pregledu i ocjeni ponuda u kojem je utvrđeno sljedeće:

- da su blagovremeno zaprimljene 2 (dvije) ponude u određenom krajnjem roku, i to ponude ponuđača: PATRIO d.o.o. Sarajevo i KM TRADE d.o.o.;
- da nije bilo neblagovremenih ponuda;
- da je zaprimljena ponuda ponuđača PATRIO d.o.o. Sarajevo ocijenjena kao neprihvatljiva i nepravilna u skladu sa članom 2. stav (1) tačka 1) alineja 2) i alineja 3) Zakona o javnim nabavkama BiH, te je ista isključena iz daljeg postupka javne nabavke;
- da zaprimljena ponuda ponuđača KM TRADE d.o.o. ispunjava kriterije za kvalifikaciju;
- da ponuđač KM TRADE d.o.o. nije vršio ispravke u ponudama;
- da je u skladu sa tačkom 5.11. tenderske dokumentacije i članom 17. Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15), Komisija za javne nabavke, izvršila provjeru računске ispravnosti ponude ponuđača KM TRADE d.o.o., te konstatovala da u ponudi nije bilo računskih grešaka.
- da zaprimljena ponuda ponuđača KM TRADE d.o.o. ispunjava kriterije za kvalifikaciju, odnosno ista je prihvatljiva u formalno-pravnom, ekonomskom i tehničkom smislu, ispunjava postavljene zahtjeve ugovornog organa definisane tenderskom dokumentacijom, ponuda ne prelazi planirana, odnosno osigurana novčana sredstva ugovornog organa za predmetnu nabavku, te je navedenom ponuđaču dozvoljeno dalje učešće u postupku javne nabavke odnosno učestvovanje u predviđenoj e-Aukciji.
- Ponuda ponuđača PATRIO d.o.o. Sarajevo sa sjedištem u Sarajevu, ul. Hifzi Bjelevca br. 82, 71210 Ilidža je isključena iz daljeg postupka javne nabavke iz sljedećih razloga:

Uvidom u priloženu dokumentaciju ponude ponuđača PATRIO d.o.o. Sarajevo i suštinskom provjerom sadržaja i validnosti dokumentacije, Komisija je konstatovala da ponuda ne ispunjava uslove za kvalifikaciju i ne ispunjava uslove tražene tenderskom dokumentacijom. Tačkom 3.4.2. tenderske dokumentacije kao dokaz tehničke i profesionalne sposobnosti ponuđača zahtjevan je spisak izvršenih ugovora ponuđača uz dostavu najmanje jedne (1) originalne ili ovjerene fotokopije potvrde o uspješnoj realizaciji ugovora u periodu ne dužem od 3 (tri) godine ili od datuma registracije, odnosno početka poslovanja, ako je kandidat/ ponuđač registriran, odnosno počeo sa radom prije manje od 3 (tri) godine, a čiji je karakter ili kompleksnost ista ili slična onima koji se odnose na predmetnu nabavku, čija ukupna vrijednost nije ispod 79.000,00 KM bez PDV-a. Ukoliko ponuđač dostavlja jednu potvrdu ona mora iznositi minimalno 79.000,00 KM bez PDV-a, a ukoliko dostavlja više potvrda, zbir svih dostavljenih potvrda mora iznositi minimalno 79.000,00 KM bez PDV-a. U



napomeni je navedeno da je uz spisak izvršenih ugovora ponuđač dužan dostaviti i potvrdu, koja je u vezi sa spisakom isporučene robe, a koje daje druga ugovorna strana o njihovoj realizaciji (orginal ili ovjerena kopija). U priloženoj potvrdi o uredno izvršenim ugovorima, u skladu sa članom 48. stav 3. Zakona o javnim nabavkama, obavezno mora biti vidljivo sljedeće: a) naziv i sjedište ugovornih strana ili privrednih subjekata, b) predmet ugovora, c) vrijednost ugovora, d) vrijeme i mjesto izvršenja ugovora, e) navode o uredno izvršenim ugovorima.

Pregledom ponude ponuđača PATRIO d.o.o. Sarajevo Komisija je utvrdila da je ponuđač dostavio Spisak izvršenih ugovora i potvrde o izvršenim ugovorima, i to: Potvrdu o uspješnoj realizaciji ugovora bez broja i datuma u vrijednosti od 36.270,00 KM sa PDV-om, Potvrdu br. 01-07-07/2-11-3-25/24 od 07.01.2025. godine u iznosu od 84.123,00 KM sa PDV-om, Potvrdu br. 01-06-06/2-11-3-360/23 od 01.11.2023. godine u iznosu od 51.480,00 KM sa PDV-om.

Komisija konstatuje da dostavljena potvrda o uspješnoj realizaciji ugovora bez broja i datuma u vrijednosti od 36.270,00 KM sa PDV-om, ne sadrži sve elemente propisane tenderskom dokumentacijom i članom 48. stav 3. Zakona o javnim nabavkama, odnosno na istoj nije vidljivo mjesto izvršenja ugovora. Nadalje, na dostavljenim potvrdama br. 01-07-07/2-11-3-25/24 od 07.01.2025. godine i br. 01-06-06/2-11-3-360/23 od 01.11.2023. godine Komisija za javne nabavke je utvrdila da potvrde ne sadrže navode o uredno izvršenim ugovorima već napomenu da je dobavljač PATRIO d.o.o. Sarajevo kasnio sa isporukom municije i da su dobavljaču fakturisani penali na ime kašnjenja u isporuci, iz čega proizilazi da Ugovori nisu uredno realizovani.

U napomeni tačke 3.4.2. navedeno je da u slučaju da se na dostavljenim potvrdama ne nalaze svi elementi u skladu sa članom 48. stav 3. Zakona (naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora, navod o uredno izvršenim ugovorima) ponuda ponuđača će se isključiti iz daljeg postupka javne nabavke.

Tačkom 4.1. tenderske dokumentacije propisano je sljedeće: „Ponuda treba sadržavati sljedeće dokumente: f) Popis dokumenata uz ponudu koji čini sadržaj ponude, koji je dat Aneksu VII ove TD; Ugovorni organ je u napomeni Obrasca sadržaja ponude (Aneks VII) naveo sljedeće: „NAPOMENA: Obrazac sadržaja ponude je propisan od strane ovog Ugovornog organa i kao takav je obavezan sastavni dio tenderske dokumentacije. Sadržaj ponude popunjava se od strane ponuđača i obavezno se dostavlja uz ponudu. Sadržaj mora biti taksativno naveden i popunjen rednim brojevima uz taksativno navođenje svih dokumenata koji su sastavni dio ponude. Ponuđač može sadržaj ponude sačiniti na svome obrascu, ali je dužan isti sačiniti prema ovim uputama ugovornog organa, odnosno taksativno izvršiti popis dokumenata koji čine ponudu i navesti redni broj stranice na kojim se dokument nalazi.

Komisija konstatuje da je ponuđač u ponudi na stranici broj 39. dostavio obrazac sadržaja ponude (Aneks VII) na kojem nije naveden redni broj stranice na kojoj se dokument nalazi, pri čemu je postupio suprotno zahtjevima iz tenderske dokumentacije.

Tačkom 4.1.1. tenderske dokumentacije propisano je sljedeće: „Stroga formalnost: Ugovorni organ ističe da je postupak javne nabavke strogo formalan postupak koji sadrži niz formi koje moraju da se ispune, kako bi isti zadovoljio tražene uslove tenderskom dokumentacijom, zakonskim i podzakonskim aktima.“ „...Ponuđači su dužni da detaljno prouče ovu tendersku dokumentaciju, sva uputstva, obrasce i ostale uslove i da postupe po njenim zahtjevima. Propust da se u ponudi ne prilože svi traženi dokumenti ili se prilože dokumenti koji nisu u skladu sa zahtjevima iz ove tenderske dokumentacije rezultirat će odbacivanjem takve ponude.“

Tačkom 3.4.4. tenderske dokumentacije navedeno je da će ponuđač biti isključen iz daljnjeg učešća zbog neispunjavanja uslova za kvalifikaciju, ukoliko se u ponudi ne dostave traženi dokazi u vezi obavljanja profesionalne sposobnosti ponuđača iz tačke 3.4. tenderske dokumentacije ili se ne dostave na način kako je traženo.

Tačkom 4.2.2. tenderske dokumentacije propisano je sljedeće: „Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom bit će odbačene u skladu sa Zakonom.“

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.



Shodno navedenim ponuda ponuđača PATRIO d.o.o. Sarajevo je odbačena sukladno odredbi člana 68. stav (1) Zakona o javnim nabavkama kojom je propisano da je ugovorni organ odbacuje ponudu ako ponuđač nije dostavio tražene dokaze ili je dostavio nepotpune dokaze ili je lažno predstavio informacije koje su dokaz ispunjenja uslova iz člana od 45. do 51. Zakona, odredbi člana 68. stav (4) tačka i) Zakona o javnim nabavkama kojom je propisano da je ugovorni organ dužan odbaciti ponudu u slučaju kada ponuda nije potpuna i ne ispunjava zahtjeve iz tenderske dokumentacije, te odredbama člana 2. stav (1) tačka l) alineja 2) i alineja 3) Zakona o javnim nabavkama kao neprihvatljiva i nepravilna, jer ponuda ne ispunjava kriterije za kvalifikaciju i ponuda nije u skladu sa tenderskom dokumentacijom.

Komisija za javne nabavke ugovornog organa je nakon završenog pregleda i ocjene pristiglih ponuda, a u skladu sa članom 64. stav (1) tačka b) Zakona o javnim nabavkama BiH, izvršila rangiranje prihvatljivih ponuda prema kriteriju „najniža cijena“, i to:

1. KM TRADE d.o.o. sa cijenom od 79.800,00 KM bez PDV-a.

Tenderskom dokumentacijom u tački 4.13. predviđeno je provođenje e-Aukcije. U skladu sa članom 5. stav (1) Pravilnika o uslovima i načinu korištenja e-Aukcije („Službeni glasnik BiH“, br. 80/23), prije zakazivanja e-Aukcije ugovorni organ u sistem e-Nabavke unosi sve prihvatljive ponude. Članom 4. stav (2) navedenog Pravilnika propisano je da se u slučaju prijema jedne prihvatljive ponude e-Aukcija se ne zakazuje.

U skladu sa naprijed navedenim, Komisija za javne nabavke, dala je preporuku direktoru ugovornog organa da, u skladu sa članom 70. Zakona o javnim nabavkama BiH, donese Odluku o izboru najpovoljnijeg ponuđača: KM TRADE d.o.o. u predmetnom postupku javne nabavke, po ponuđenoj ukupnoj cijeni u iznosu od 79.800,00 KM bez PDV-a.

Izbor najpovoljnijeg ponuđača izvršen je u skladu sa Zakonom o javnim nabavkama, podzakonskim aktima, tenderskom dokumentacijom i internim aktima.

U postupku ocjene provedenog postupka, ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Imajući u vidu navedeno, a u skladu sa članom 64. stav (1) tačka b) Zakona o javnim nabavkama, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi BiH putem ugovornog organa, najkasnije u roku od 10 (deset) dana od dana prijema iste. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama BiH.

Prilog: Kopija Zapisnika o pregledu i ocjeni ponuda broj: 151/25 od 03.02.2025. godine.

JP „LOKOM“ d.o.o. Sarajevo
Direktor
Adnan Šabanović



Dostaviti:

1. PATRIO d.o.o. Sarajevo,
2. KM TRADE d.o.o.,
3. Službena stranica Preduzeća,
4. Komisija za javne nabavke,
5. a/a.